



野谷詩藁目錄

卷第一

古體詩二十八首

卷第二

古體詩二十一首


卷第三

古體詩三十八首

卷第四

五言律詩六十首

卷第五



五言律詩四十六首
五言絕句二十一首

卷第六

七言律詩六十七首

野谷詩藁卷第一

汴都趙汝鎡明翁

廣寒遊

九秋半破月團圓
瓊瑤世界夜氣寒
羽士躍身導阿滿
麾斥八極青雲端
老柯擲桂香不死
銀橋跨空一萬里
飛步抽簪扣玉局
中有素娥三十人
綠腫翦水鬢堆霧
風卷縞袖條脫露
琅璈雲笛廣庭舞
笑乘白鸞弄蟾兔
歸裁仙曲作霓裳
天音盡洗凡絲簧
霞裾星珮羅兩行
玉環垂手春風揚
樽前盡日看未足
絳膏泣鳳夜繼燭

宮商忽變不可聽馬嵬斜谷雨霖鈴

古別離

妾離父母來從君相期百年終此身初合鸞鳳
席未煖熟視眉目識未真兵符捉人夜調遣丁
寧尅日到邊向紅旗在手弓在腰花驄一躍迅
於箭回頭語我勿慘傷歸來印斗金帶黃我聞
軍功未易就膏血紫塞十八九嫁狗逐狗雞逐
雞耿々不寐展轉思吠亦啼曉喧孤幃淚雨千
行心肝推與其眼穿萬里見無日何如同赴沙
場戰死俱白骨

迎仙引
羽人窟宅壓滄溟崑崙閭風天墉城紫蘭絳節
跨彩鳳殷勤傳命邀同盟七月七夕涼秋霽千
官鐸珮森幢衛王母雲車九色龍上元霜袍三
角髻劉徹屏息迎兩仙兜香塗門高馭天星裳
黼衣自酬酢方朔窺窓不敢前金漿玉醴濯凡
腹紅顆絢飭蟠桃熟宴酣樂奏瑤池音琅璈子
登笛雙成乞憐請葉承華殿教子丁寧先自反
三尺欲脫母淫亂五性盡捨更勤儉各出教語
鍼膏盲此是長生度世方徹心未悟益猖狂萬

八千里周遊荒少翁樂大誅相繼海上何日無
方士五柝宮中夢斷時銅盤玉露胡為不起死

纏頭曲

阿蠻妙舞翠袖長臂鞦韆珠絡帶寶裝春風按試
清元殿粉白黛綠立兩傍三郎老手打羯鼓太
真纖指彈龍香篋篋野狐拍懷智齋策龜年笛
寧王中有八姨坐綺席淡掃蛾眉壓宮粧醉看
阿蛮小垂手飛燕輕盈驚鴻翔八姨指揮三郎
聽頌賚豈惜傾篋箱纏頭一局三百萬莫遣傍
人笑大唐尾聲方斷地衣巷忽聞鞞鼓喧漁陽

播遷纔出望賢路王食未進日卓午糲飯胡餅
能幾許不飽皇孫及妃主阿蠻知是何處去但
見豬龍胡旋舞

飲馬長城窟

烏騅馬紫游韉戍夫一鞭天一方揆程想過長
城下思古築役摧人腸白骨如雪浸水窟骨上
猶帶秦時血雨打風吹宇宙腥君渴莫飲救馬
渴衣遮寒暄飯加餐省酒戒勿離軍門雁來不
惜數行字鴈回我亦寄平安自從君出與別君
怕聽砧聲怕見月細思人生能幾何未卜彼此

俱白骨髮官有好爵與爾糜萬死一生方得之
不如更戍聞早歸百年鄰里誇齊眉

妾薄命

冶容麗質世鮮比擇對年少風流子並攔觀魚
雙戲水妾心郎心誓如此一朝結束萬里行東
欲到海西到秦醉中慷慨躍馬去出門十年無
信音或傳淫蕩歸不得或傳已作泉下客郎分
郎分奈若何恨淚徹夜孤枕滴君不聞鶯：錦
字寄西遊玉環綵絲意綢繆郎心忍向他人笑
下牀徒自為郎羞又不聞盼：樽前小垂手燕

子樓深情獨厚豈期紅粉遽成灰怨句空吟三
百首

瑶娥曲

一 二 三 四 月如眉積累如梳截半規玉斧晝夜
修不輟修成團鏡當空垂十眉有樣列象几梳
裁春水鏡涵水瑶娥睡起拂菱花掃黛揮鬢雲
繞指斂袂亭：天上狂環珮隱體瑯琳鏘駉鸞
跨鶴舞仙譜子登彈璫飛瓊簧天風颼颼冷到
骨銀河澎浪濺羅襪一輪千古廣寒深折盡桂
花應白髮

昭君曲

禦戎豈別無經綸
妻敬作俑言和親
或結或絕患不已
至呼韓邪朝竟寧
稽首願得塔漢氏
矜歸有女王昭君
臨時失捐畫工賂
蛾眉遠嫁單于庭
玉容慘淡落紫塞
粉淚闌干揮黃雲
下馬穹廬移步澁
彈絲誰要胡兒聽
年々兩軍苦爭戰
殺人如麻盈邊城
若藉此行贖萬骨
甘忍吾耻糜一身
聞笳常使夢魂驚
倚樓惟恐烽火明
狼子野心何可憑
嗚呼狼子野心何可憑

斷腸曲

凭欄日々望歸驕
書來又報瀟湘游
卷書默坐淚似雨
彈向花上花替愁
想即快意揚州鶴
風光何地非行樂
妾腸寸斷郎豈知
獨步苔塔空聽鵲
風瀟碧紗夜窻深
弄針燈下無心情
蜀羅一段茸五色
看定鴛鴦繡不成
妾貌留春々要去
粧鏡孤鳶無力舞
轆轤呶啞殘夢驚
曉嘶似是郎馬聲
卷簾無人簾再下
遣童水東占打瓦

銅雀臺辭

屋一百間臺十丈
岩堯突兀九霄上
明月空照八尺牀
幾點酸風搖總帳
離宮金鎖掣不開
美

人紅粉今成灰蘭麝分恩銷餘馥銅雀飛去無
時回大官朝暮薦酒脯迷兔尚愛殘歌舞戀
西陵一坏土上馬橫梨平明詫英武

三閣曲

毋寶沉迷建鄴宮厭：夜飲清晝同金碧三閣
揮晴漢沉檀十里聞香風疊石為山水為沼後
庭萬花折春叢狎客倡酬女學士污詞媚句爭
新工被之弦歌恣酣樂千城行列紛青紅將軍
忽遇韓擒虎江神今識清河公凭欄壁月詞未
終誰知携手兩妃遊井中

出處辭

太公嚴子陵皤然兩漁人文王尚西伯光皇已
中興太公所以竟卷餌子陵所以歸垂綸趨向
固異輟出處同一心當日遭逢倘易地兩翁亦
必隨時而屈伸釣臺高兮渭水清或隱或顯俱
彰千古名

漢離宮四時詞

東風飄花誰共惜暑雨馥蓮不收橋瑤欄倚露
月千里銅鋪鎖寒雪一尺終年漢漏滴四時屈
指三百六十日遠山蹙斷懶塗秣怕開粧鏡鸞

舞隻怨淚闌干落離宮纖玉彈珠香風濕夢回
想像巫山雲簷鵲似傳天上音便教粉黛近君
側未卜膠漆投君心豈不聞東宮婕妤作歌悲
團扇又不聞長門阿嬌買賦捐黃金

義獸行

君不見明皇有象能拜舞看定祿山瞪目怒又
不見昭宗有猴能起居望見全忠奮臂呼兩朝
玩物固喪志異類報國乃仗義天寶大駕蜀道
巡開平初元唐祚傾百僚奉賊身盡竄宰相畏
族神不寧爾象爾猴忿且嗔其面雖獸心則人

當時節士知有幾壯哉義獸不怕死

征婦歎

蓮浴雙鴛鴦梧棲雙鳳凰雙舞蝶度牆雙飛燕
歸梁倚欄人顰翠忍淚心暗傷閉戶羅幃悄孤
燈耿空房欲睡未得獨坐理絲簧彈吹不成
調征夫天一方

響卜辭

三六乘鳶初嫁君琴瑟朝暮誓不分酒酣使氣
浪自許片石儀秦弄風雲東吳西蜀幾千里鴈
來數年無幅紙有便我必寄錦箋豈應皆沉石

水頭酸風一點淚兩行
憑欄瞥過雙鴛鴦霜花
迫簾冷蠟焰雨梧傍
枕敲銀床乞靈每日扣巫
祝更向靜處聽響卜人言
卯夜驗不差又言元
宵應尤速二說果如神
俱占敢厭頻齋心通我
意側步潛我身或坼翠幌
視或靠綠窓避兩夕
行人語字：還家意羅襪
走褪奔繡幃懽喜無
地魂天飛小兒放嬌來
牽衣抱我門前接爺歸

君不見

君不見盧生枕上客
邯鄲君不見淳于穴中到
槐安出將入相羣兒仕
賜爵錫邑公主貴黃梁

未熟已欠伸清樽尚在
遽驚起人生榮華懽樂
亦如此雙鶴晝飛夜旋
一彈指胡不看取二人
夢中事

翁媪歎

早曦赫空歲不熟炊甑
飛塵煮薄粥翁媪飢雷
常轉腹大兒噉：小兒
哭愁死未死此何時縣
追賦不遺毫釐科胥督
欠烈星火詬言我已遭
榜笞壯丁偷身出走避
病婦抱子訴下淚掉頭
不恤爾有無多寡但照
帖中字盤雞豈能供大
嚼杯酒安足直一醉瀝
血祈哀容貸納拍案邀

需仍痛詈百請幸聽去須臾衝夜槌門誰叫呼
後胥復持朱書急符預借明年一年租

寄遠曲

君馬踏邊塵繡幃妾一身仰天無過雁俯水無
游鱗酒難獨自酌蟻樽空浮春食亦不知味馳
峰徒薦珍憶昔逢君更成一年事
兜鍪北去幾寒暑兩地肝腸推萬里別來容貌
似舊無寄去衣裳知到未折柳絲：紫塞心對
花片：青春淚夜聞琴瑟鼓隣家人皆齊眉老
年華不恨君翻自恨長吁矯首天之涯幾度虛

傳歸信息愛聽乾鵲怕聽鴉孤枕有時髻髻夢
中見覺來霜角咽梅花

上馬曲

精神如熊氣如虹夢寐思勒燕然功龍泉寶鞘
橫三尺犀甲茸條擐兩重鳴鏑飛空挾霜遠認
旗貼身颯日紅玉轡繡韉鞞馬眼有紫烟烟
雙睡誓縛單于獻天子離觴不揮兒女淚笳鼓
動地歸來時金印斗大肘後繫君不見燕領虎
頭班超戾萬里又不見風聲鶴淚謝元破淝水

去婦辭

入得良人門自誓終此身掃室擁箕箒進盥躬
盤中采桑趁隴首薦蘋潔澗濱十年盡婦道惟
恐堂前嗔上和下睦本無事一二小姑恣妻斐
浸潤既深貝錦成不棄不出譖不已良人縫紵
涕漣而父母之命安敢違舉頭天邊指缺月暫
缺須有團圓時君不聞章臺長條依舊垂樂昌
半鏡還復歸

耕織嘆二首

春催農工動阡陌耕犁紛紜牛背血種蒔已徧
復耘耔久晴渴雨車聲發往來邏視曉夕忙香

穗垂頭秋登場一年苦辛今幸熟壯兒健婦爭
掃倉官輸私負索交至勺合不留但糠粃我腹
不飽：他人終日茅簷忍餓死

其二

春氣熏陶蠶動紙採桑女兒閨如市晝飼夜餵
時分盤扃門謝客謹俗忌雪團落架抽蠶絲小
姑繰車婦織車全家勤勞各有望翁媪處分將
裁衣官輸私負索交至尺寸不留但箱篚我身
不暖：他人終日茅簷忍凍死

短歌行

赤龍駕輪飛上天
倏東倏西晝夜旋
流光萬古去不返
少壯翻手成華顛
閬風層城羽衣仙
方瞳綠髮耕芝田
玉樓貯春不老蟠
桃一實三千年
我欲訪仙弱水隔
住世奈此急景煎
茫然無計相留連
打併萬事不放到
眼前右杯左蟹拍
浮百斛船

漁父四時曲

春

霽江浮春新水肥
粼粼鴨綠東風微
波心上下舴艋滑
釣車香餌卷落渾
纖鱗噉喙錦穿柳
半

留賣錢半換酒爛
醉茅簷紅杏家折
花簪髮把兩手沙
岸尋芳青驄嘶彈
絲吹竹挾蛾眉笑
指漁父何寂寞漁
父掉頭我自樂

夏

煙溪流碧浸炎空
滌濯裨蒸兼葭風
大港小港涼世界
隔堤荷蕩香到蓬
儂家生長舟一葉
豈識人間半點熱
青笠綠蓑山雨來
雨過波平夜撐月
水亭避暑冰玉肌
枕設珊瑚簟琉璃
笑指漁父何辛苦
漁父掉頭渾不顧

秋

新雁銜秋訪水涯分屯洲渚傍蘆花停撓相約
結溪社來往無嫌同一家酒酣把笛吹村曲聲
曳蘭風入山腹釣竿到手萬事輕孰是孰非孰
榮辱江樓邀月粉黛濃簧璫嘈雜徹桂宮笑指
漁父何冷落漁父掉頭我豈錯

冬

六花坼凍雲糊糝釣鉤空擲寒無魚繫舟枯柳
歸茅舍撥火煨薪擁地爐鄰一榼醅醜玉老
稚分霑春回谷重來解維放夜筒橫風打向別
港宿溪館對雪歌妓圍釜出駝峯酒羔兒笑指

漁父何憔悴漁父掉頭但稱醉

野谷詩藁卷第二

仰山行

汴都趙汝鎡明翁

平生幾兩謝公屐愛山愛水真成癖集雲峯在
指顧間年來抗塵乃絕跡西風從叟作意登佛
境未入心境清九秋顛氣接嵐氣五里松聲答
泉聲招提金碧壓深窵鐘鼓四時遞昏曉梵音
獨許山鳥聽禪夢不驚蝴蝶遠土腹露飽蔬筍
鮮一粥一飯天上仙伊蒲供罷日卓午浮空半
是烹茶煙四藤欲知閣中味萬字欲參堂上意

請將此事且姑置坐看山雨濯曉翠

東湖歌

湖光蕩綠春拍塞百雉之東纔咫尺五步一亭
十步榭軒窓處臨水闢露濃畫叔花溜紅烟
嫩堤平草連碧俯窺萍鱗魚上下仰聽木杪禽
格磔拂拭塵埃讀祖碑摩挲峯竅憐盧石中年
懷抱多感慨東西跳丸駒過隙山林鐘鼎同一
盡可笑世網甘形役甕邊吏部真得計右酒左
蟹船中拍明朝風雨那可料且對湖山醉今夕
沙鷗許我再尋盟從此時携杖頭百石人謂盧肇
三峯九

竅梅聖俞和盧石詩云高峯削
出嵩華骨虛竅鑿破蛟

禹穴行

浙江之東千巖出參差半天氣葱鬱禹昔不返
南巡車越人交口說遺跡日往月來三千春宮
有龍瑞洞陽明摻深陟危辨舊穴訛以傳訛終
難尋荒山一片老風雨徘徊問山無語寒林
朝號萬壑秋冷煙暮結太古愁誰能為起馬遷
死指點當時所探何處是

蒙泉行

二十年前客中都壁間誰掛蒙泉圖天造地設

有如此果若所畫疑蓬壺御風來遊洞庭北此
境突兀眼前出荆門之外天下稀翻思畫圖絕
髣髴山根寒源月一泓細流循沼曲折分天光
倒影馮晴碧對此洗我瀟灑心雲木枕崖影濕
翠金蓮鋪鏡葩在水流觴自是摸蘭亭山陰今
日那得爾向暮深林啼子規柳花作團貼水飛
吟興未盡征馬嘶他時清夢猶見之

荆門行

開禧丁卯被檄
相視荆門關隘

去年曾問荆途雞鳴狗吠民耕鋤搖鞭重來意
慘憺前日井邑今邱墟雲昏雨澁草堆碧四野

荒：人跡踈深山扶携皆露處骨肉蕩沒况室
廬老農無力倚林卧以定舉首來向余官人且
坐待儂說未說涕泗先橫裾老夫老豈識兵革
忽見遠近皆狂胡懸崖絕壁魚貫進飛馬上下
爭馳驅吾軍非是無身手未敢棄甲先奔趨時
平廩帛官不計戰勝爵賞官不辜進怯鋒鏑退
焚掠虜既難堪：汝乎歸來未暇正其罪官有
金帛還招呼老夫莫曉軍旅事但聞敗衄深嗟
吁我聽其言為蹙額含悽獨下西山隅金蓮似
恨羶風染蒙泉未洗血水污九秋半破明月夕

照我孤憤行繞壁天子嘗騰方側席微臣敢作
楚囚泣秋風一劔樓蘭國

楚觀歌

吾聞楚鄉江山多勝處今之楚觀尤得江山趣
萬象排拶索應酬丹青閣筆無所措大則湘水
小臨蒸衆流合派銀河傾陶寫秋氣浸明月夜
波爽透百雉城右則雁峯左石鼓雙屏競秀蒼
龍舞吞吐嵐光飛亂雲涼風暝送兩崖雨江山
之趣于此無不宜朝暮變化愈出而愈奇最愛
鷗鷺甘冷淡占斷汀渚供娛嬉東塗西抹晚烟

翠漁父歸舟卷釣餌鼓枻而歌倚半醉中有滄
浪濯纓意杜若一片迷芳洲凭欄懷古生新愁

更上崔嵬千尺湘春樓縱目乾坤盡見衡嶽秋

楚觀在湖南憲圃湘春樓在楚觀之後

湘西行

吾嘗誦麓山盤紆句又嘗誦深林玲瓏詩前有
工部後吏部拈出千古西相奇扶藜遊目逐蕭
爽捫蘿陟磴忘嶮巖杉會搖空蛟虬舞巖壑翳
霧猿猿悲晨昏兩鐘遞名利日月一壇老仙祠
摩榦徘徊憐晉栢剝苔俯仰認唐碑碧虛心照

眼已濶更上萬仞層臺危楚濤左渺連七澤蠻
烟石湧迷九疑學宮宮堯壓勝槩百泉曲折流
方池英才涵濡教育樂風雩慨想莫春時登臨
殊未徧幽境殘陽木末墜紅影松陰夾道倒接
羅不遣前訶殺風景小留一片瀟湘亭雙鷺飛
來粧秋屏橘垂嫩穎匝洲青芷紛柔葉飄岸馨
冥摛枯腸浪著語對人欲舉不敢舉拍欄但吟
工部吏部兩大篇水光山色俱欣然嶽麓宮有
碧虛閣寺
院有必照軒道鄉臺書
有百泉軒風雩亭
八景歌

長沙志載度支宋迪工畫尤喜為平遠山
水其得意者有平沙落雁遠浦帆歸山市
晴嵐江天暮雪洞庭秋月瀟湘夜雨煙寺
晚鐘漁村落照謂之八景余昔嘗見圖本
及來湖湘遊目騁懷盡得真趣遂作八景
歌

嗷嗷哀鳴肅々羽兔清意爽愛湘楚西風作惡
陣脚散斜行千點下煙浦飛力已困日且晡便
欲就宿依寒蘆大者居中圍以奴丁寧緩急相
驚呼嗟此何景兮平沙雁落丹青欲畫未易著

其二

晚日放晴雨脚收
楚山千里江吞秋
上水風生
荻花渚漠漠
幅蒲天際浮
輕雲驟掩目
力斷雲
消似過芳洲
半危檣逐鳥
惟恐緩燕子
爭飛先
到岸嗟此何景
今遠浦帆歸
丹青欲畫殊堪
嗤

其三

朝氛吐吞影
模糊嫩日
隱見光卷舒
湘蠻滴翠
石徑滑遠
近憧憧
人趨虛天
風作意扶
霽色噓
拂昏翳
半明滅
槿籬髻鬢
橋林隔一竿
斜挿酒
旗揭嗟此何景
今山市晴嵐
丹青欲畫良獨
難

其四

雲擁黃昏朔風急
長空杳杳水怕
六花舞白
徧三湘
失却寒峯
千尺碧
片瓊屑
玉響羣林
蘆
叢蕭瑟聲更清
凍月開奩
俄吐晴銀宮
一色上
下明嗟此何景
今江天暮雪
丹青欲畫不可
得

其五

西顛沉碣露花白
河漢浩淼浴素魄
平湖萬頃
搖銀光
祇留君山
一點碧
帝子揭靈駕
飛龍鼓
瑟來遊水精宮
聲徹桂娥亦歛容
葉下北渚
嫋嫋風嗟此何景
今洞庭秋月
丹青欲畫那免
拙

其六

楚天濃雲如墨
滌通宵滂沱翻江
閣寒聲偏撼
蕙葭林要將秋容洗到骨
杜若洲有鴻鴈棲震
凌喧夢時驚疑釣翁醉睡
却不知椿脫纜斷舡
偷移嗟此何景
今瀟湘夜雨丹青欲畫浪自苦

其七

西嶺驟暗銷殘暉
芷岸蘭汀堆夕霏
數聲撞空
九天半知有招提
隱翠微風助餘音響
崖谷蕭蕭
暝港孤舟宿禪閣
棲鳥爭寒林
歸僧疾步穿山綠
嗟此何景
今烟寺晚鐘丹青欲畫
焉能窮

其八

積雨初過湘水滿
夕陽蕩金樓接天
遠影掛寒
曾江步斜紅殘茅
蒼沙港晚小艇澤畔收釣罾
鼓柁滄浪歌濯纓
醉眼西望送沉輪
繫纜籬根穿錦鱗
嗟此何景
今漁村落照丹青欲畫
無由妙

仙湖歌

湖之綠兮如藍
湖之明兮如鏡
藍染晴空晚色
鮮鏡照天宇
秋毫淨乾坤
兩間共開闢
魚鳥四時自飛泳
炎州著脚苦蒸鬱
對此恍入清涼境
其東羣木合抱森
觀政觀魚連秀陰
濂泉沸甃

珠的饒飲瓢洗我太古心其西水壺爽利骨曉
波澄秋夜印月藏春園種雜花稠分得度梅換
先發其南粉雉霄漢橫旋補揚柳浴堤青上下
天光同一碧我來拈出營新亭其北千片石洲
石或虬或鳳或劍戟環流軒館瘴霧收簷影倒
漾水底日葛仙昔煉九轉丹成飛上羅浮山
海邊亭外春萬里御風忽挹仙翁袂翁來馳車
擁霓旌約我二十樓五城翁言羽化世已久問
湖風月依舊否仙湖在廣東清治乃葛仙翁煉
丹之所觀政觀魚秀陰濂泉水
壺一碧石洲海
邊春皆亭名

蒲澗行

君不見少君詫安期海上之棗又不見坡仙詠
安期宅邊之蒲棗失其種豈復得蒲生于澗何
時無澗流涓涓淺可涉牽蔓披沙椽九節仙家
自欲供仙餌靈根不容凡齒齧循澗探竒岩石
幽瀑音迎耳鏘琅球陰壑常寒失炎熱終日自
雨鳴春秋振衣策足崔嵬頂歷跨列缺凌倒景
天風海濤撼宇宙神清骨冷肝膽醒聲傳九霄
景泰鐘更上三方梯晴空兩眼有盡天不盡滄
溟浩與銀河通指顧神仙似非遠弱水誰云隔

三萬乘風直到金銀臺握手安期話蒲澗

續蒲澗行

戊戌正月二十五搖轡東風蒲澗去年：今日
是時節飛蓋傾城車塞路野亭山館坐不編幙
天席地千百處開壺設標紛酒炙擘鱗錐蠔間
醢脯笑言相續樂甚真禮文不移意則古我亦
隨眾窮勝覽先訪安期登梵宇入春少雨多是
晴穹岩寒溜僅一縷白雲千級逼象緯滄海萬
里淒烟霧倚欄方快心目遠牛羊下山林壑暮
小兒隊：逐歸雛拍手呼舞起蕭鼓遊人到晚

懽未厭徘徊不忍收樽俎行穿梅嶺還江西首
為南洲記風土

古劍歌

洞庭湖漁人得古劍於網中張倅得之以遺
余時開禧丁卯春館于岳陽樓邊事方急
洞庭春天：無風月印一鏡星涵空波心千丈
光五色漁人噴：疑垂虹睨而視之窈不見舉
網下罩追遺踪須臾雷轟怒濤吼鼓蕩六合霧
溟濛所得非魚亦非龍炯然三尺貫當中肉銷
骨立精氣融鏗鉤其聲韜其鋒越砥稍：加磨

確壯士見之肝膽雄雷煥已死不可起有誰解
識斗間氣人疑龍泉或太阿萬古凡劍空一洗
倚樓西北望邊城連月亘天烽火明隱憂枕上
思請纓夜半躍鞘床頭鳴夢中見告若有神我
價豈但直百金吾勇豈但敵一人知君素有擊
楫中流心誓當助君報國萬里清胡塵

瀛洲行

臨川林史君岳與江西章倉使良肱同遊三
館今把麾持節皆駐臨川遂於郡圃築亭扁
以瀛洲

神山鼎峙滄海東瑤池翠水環銀宮朝霞夕霏
自古今騰車羽輪何憧憧文館宮堯霄漢立羣
賢飛珮翔鶴鴻人間風日總不到逍遙宛在神
山中苔溪閩山兩仙伯雙槎貫月凌溟濛分光
東壁筆擣錦攜手西崑氣垂虹承明厭直江湖
去回首雲霧迷方蓬風萍既散俄復聚赤帷朱
轡巧相逢舊遊共說橫秋下城隅勝槩髣髴同
寓意瀛洲規小築軒楹突兀浮青紅弱水休論
三萬里玉樓未羨十二重洞門無鎖棠陰畫太
華吹香耦花風夜藜吐耀來太乙旨酒共飲煩

壺公臨汝自借號仙窟左有靈谷右城峯浮邱
老翁跨白鶴魏壇元君携青童欣聞瓊宙出金
柅往：挽袂來相從祇恐濟世緣未了一麾一
節難容九天丹鳳銜雙詔修門並轡搖瓏
不但十八學士同步武風雲廊廟兩：登夔龍
共辨霖雨舟揖功他年相與騎鯨追喬松

三珍行

聶西清遺以東坡書工部夏夜嘆蜀人趙雲
子畫李杜及素琴一張作三珍行
西清平生雅好奇夜則忘寢晝忘飢按今挾古

竭心力常恐世間一物遺雲霧軒窓烟月戶萬
寶彙列牙籤垂循環邏視日千匝拊摩拂拭心
融怡驚冠披猖變倉卒六丁下取留毫釐收拾
售用自不足尚輟三珍贈我為六幅之珍老坡
字印可誰氏參寥師怒鵬九萬氣吞吐驥珠百
二光陸離兩軸之珍雲子畫李杜跨蹇將何之
華陰縣裏過門日浣花溪上尋春時一張之珍
太古琴孤桐斲削嶧陽枝刻名嫩玉世少比較
昔響泉彼堪啣銀鈎鐵畫貴楷正此則倚醉飛
蛟螭寸馬豆人貴織密此則縱意隳藩籬金徽

玉軫貴音韻此則得趣絕絃絲天機皆由胸襟
出妙處莫以形迹窺愛茲三珍每自隨酒酣呼
驢任倒騎抱琴委轡烏角歌琅然高吟夏夜詩

野谷詩藁卷第二

野谷詩藁卷第三

泛洞庭

汴都趙汝鎰明翁

解維武陵岸江肥雨新止兼程趨洞庭勢疾建
瓴比銀光吞上下莫辨天與水我乃航其間滉
漾藉一葦吏塵貯兩袖到此劃前洗黃昏打頭
風洪波半空起舟子惶束手喧呼互排詆有篙
無處著有纜無他艤鐵索二百丈牽猫卧沙底
進難退不可簸弄任所以巨浪聲洪鐘合力撞
舟尾一撞心一折通夕不知刻燭驗天明狂

勢稍披靡卷索急飛櫓半晝見涯涘危命脫針
孔再生自今始人言岳州程風便五日耳漂滯
費半月初意所不擬粉堞俄在眼層樓九霄峙
凭欄氣方豁東望酸徹髓前日我片帆掀舞怒
濤裏羊腸百八盤行路難如此今知驚浪上年
腸尚可履在家貧亦好身安門掃軌軒鼻喧午
窓風波儘千里

贈閻邱廣文

奔走異軌轍聚散水上萍誰知風月夕同登藕
花亭駒隙晝夜駛塵埃鬢俱星朋舊半埋玉念

此慨類齡天涯幸合席相對談飄零昔別君韋
布照眼袍今青羣兒儼成行誦書如建瓴腫人
紛烟捧竿頌綠醅溪茹芹蓴美秋挾查梨馨
開口笑豈易主人愁罄餅命僕更沽覓痛飲俱
忘形明日又分袂眠食加丁寧

荆渚書懷

明鏡明於月白髮白於雪月照雪轉添使我心
斷絕連年事行役曾不須曳歌陟岡脚雙繭凌
湖舟一葉五觀君山面洪濤漲天濶重倚南樓
欄遠雁逐雲滅西風落破帽龍山酬九節搖鞭

荆門去蒙泉，清潔游觀固不惡。奔走計則拙，
眠指幾千里。意者遂休轍，因翻墮渚宮。因循入
羈紲，天涯寒苦早。袖穿手龜裂，村沽酒力薄。連
醕耳方熱，矯首飛白雲。杏：望吳越，儒冠誤信
身鑄盡六州鐵。

憩農家

似陰還似晴，好風弄輕柔。土膏春犁滑，竹深鳴
禽幽。農家頗瀟灑，灑：清泉流。蹇予入簷茅，解
帶為小留。荆釵三兩婦，競將機杼投。吹爐問官
人，肯喫村茶不。羣兒窓下讀千字，文蒙求余因。

拊其背，勸汝早休。泓穎纔識面，白盡少年頭。
耕食而鑿飲，胡不安箕裘。迺翁聽我言，急把書
卷收。遣兒出門去，一人騎一牛。

隱者

卓庵遠入深林去，生怕世人知。得處四邊剝却
許多雲重，塞斷山前路。

蟲

蟲形僅如麻粟，微毒過於刀錐。慘上循鬢髮，
貫紺珠下匿裳衣。綴玉糝呼朋，引類極猖蹶。搖
頭舉足恣飡啖，晴窓曉捫屢遷坐。雨床夜搔不

安穩急呼童子具湯沐奔迸出沒似喪膽童子
蹙額代請命姑責戒勵後不敢念其昔日到明
光曾遊相鬚經御覽

尋僧不遇

捫蘿入石徑野衲棲其間杖錫知何處留雲守
禪闥當戶走飢鼠隔林巢白鷗候久移晚照困
來漱寒灣脩然非人世欲去且復還木杪猿一
聲六窓契山山

有客

青春挽不回白髮摘不盡減圍羞蔽帶照面怯

皎鏡功名知儻來肯問終南徑榮枯默有數豈
待蓋棺定人世如夢幻具眼須猛省毋為塵埃
役而敗山林興亭前富葵花隔簾煊紅影雨餘
老苞困欲謝若未忍有客適遇秋對此惜芳景
從事在青州呼兒往三請

夢回

春意已深寒未了夢回斗帳房攏悄五更三點
殘月銷山鳥一聲先破曉

水槩

盎缶停涵水一泓中存雅意超器形欲滴未滴

天地寂須臾宮商若相賡妙趣不勞微外索泛
聲不自絃上生小點恩怨作兒語大點九臯聞
鶴鳴踈教變化似有節多是洋：流水音殘瀝
斷續楚天曉餘響勾引南風薰平生箏笛厭鄭
衛差借古韵洗古心又不如藹黔北窓睡兩耳
不聽無虧成

小山寺

搜霧入野寺寒林響西風誰遣僧出迎山鳥為
我通染衣松露香照眼岩花紅聊且息塵慮歸
騎毋忽忽

訪山中友

披荆踏石訪山友野鳥驚人開枯柳牧童為我
通姓名一笑相迎鶴髮叟結茅倚岩屋數間塵
埃辟易不用帚竹厨貯書羅四五土壁黏碑分
左右山中新醅未堪壓攜手邀我沽村酒床前
尚有著殘碁忘記四圍閑戶牖日斜扶醉同歸
來但見黑白子分糾猓猴樹上周章走莫是此
曹來動否

聽琴

午睡誰叩門隔籬喚童子童子走來報一二琴

道士摘茗 沙鉢推窓拂石几高山流水音屢
彈不肯止我心本虛淡無用宮商洗淵明未嘗
絃妙處豈假此道士頗不樂拂衣抱琴起

談禪

禪僧晚相投貌古似落魄說性說虛空彫心苦
摸索千百則公案信口無一錯有蟬隔窓鳴與
僧恣酬酢僧喝蟬不知僧怒蟬不覺蟬厭忽飛
去僧語無處著呼童掩柴扉請僧自行脚

題王才叔南館

南館著隱士幽爽似僧舍鳥紅野花繁岸綠垂

揚亞人行鳥不驚客至鶴先逐林深自無暑月
到更宜夜傾樽對賢聖飛筆追鮑謝興來即散
策無時不得暇

踏雪

玉壺一色天漫漶亂雪飛春減却寒屑瓊篩瑰
塞宇宙柳絮如拳鞞作團却愁花木不禁冷携
筇問訊遍玉欄老柯膠枝幸亡恙紅苞半吐怯
牡丹更憐修竹壓欲折扶持敲撼聲珊珊似醉
忽醒僵忽立森然再植青琅玕羣兒幻出兩獅
子頃刻削堆了不難手持朱橘炯電眼并力巧

剪金鈴安老夫重心也自愛卷簾移坐忍凍看
一杯暖冬不可再飢腸轉雷未朝餐

讀離騷

琅然醉讀離騷經一鶴聞之來中庭童子屢揮
不肯去直膝樽前側頂聽

倚欄

倚欄有恨無人說暮角吹梅寒聲咽急風卷雨

過雁驚吐下蘆花一枝雪

偶成

青雲得志士願指快所欲萬事付杯酒粉黛貯

金屋嗟我骨相窮不受富貴逐嗜欲人所同有
時未免俗青奴頗專房高卧擎老足黃妳最如
意開卷醒困目暖寒命脚婆凍衾轉賜谷開樽
喚湯婦新醅溫郵涿始得此四人明珠不計斛
呼之即來前相娛不相觸時人皆笑之画餅豈
充腹我自翻自笑竹窓聽戛玉

訪隱者不遇

兩腋乘西風送我上高岑竹根一泉通石徑萬
木森中有隱者居敗屋莓苔侵山空人不見雲
滿掛壁琴兩鶴出候我逢迎啄衣衿應酬久頗

厭走避不可尋誰伴山下去明月升高林

雪中徐檢法約登城樓不果

今年一雪恰一月天工弄巧寒饕餮朔風吹碎
洞庭浪細結瑤花遍銀闕倚杖測試三尺強平
陸皓：失凹凸梅梢模糊裏寒香鳥影伶俜棲
凍葉有客約上城南樓膏吾車今俄復輟呼兒
反閉袁安巷小窓風味寒於鐵未須金帳斟羊
羔薄酒焉能春兩頰三杯五杯亦徑醉曲肱一
枕香雲絕夢裡騎驢過灞橋記得新詩醒時說

送伯虎夢英除國子監丞赴闕

山房高千仞上與青雲齊日從二仙遊兩耳湔
是非北窓正勦黠鐸車扣岩扉猿鶴荒作邑山
人忘我為林泉雖云樂出處蓋有時平生經綸
胸憂國鬢毛絲江天炯少微安得不振衣

其二

璣衡占東南老人方昭回明庭聚耆德公難卧
蒿萊行：出東門丹心趨玉階雪棹乘興爾雲
岫何心哉了却濟世緣金念石臺天街躍馬
餘就訪孤山梅和靖有兩鶴他日騎歸來

送黎齋倉使表都官歸班

六轡按部朝出閣郵鈴揮羽夜趣還詔字天飛
紫泥濕一點郎星歸拱北鄉來翻動大壑魚致
君堯舜真須臾金甄未啟請麾去旋頌漢節登
范車先生有道出洙泗派分象山接洛水振鐸
重席闡聖傳此心之外無二理先生有才輩伊
周胸襟百萬森戈矛新亭肯作楚囚泣誓揖一
念清神州此行豈但蘭再握譚惟欠公熙帝學
火城照空沙堤新堂印押班運籌幄絜齋墻仗
世龍門辦香風昔鑽仰心邑債一了即歸耕但
當拭目天上新經綸日與漁樵擊壤歌太平部

出門除
命却到

飲通幽園

典卻身上鷓鴣裘買酒領客尋清遊欲洗胸襟
塵萬斛快上青雲展秋眸晴沙翳天風動地挈
壺卷席移通幽一沼鏡淨清可掬千竿玉立塵
不留拒霜兩岸花燭爛紅蓼錯雜爭開秋人生
適意未易得癡兒了事何時休陶寫豈必在絲
竹山有鳴禽水游鯨酒酣題蕉競新句景物辟
易困雕椽一梳涼月揮空碧樓頭暮角催歸騶
雙桂餘葩尚堪摘便道肯訪勿翦不

病中得鄔文伯書

北風卷地震穿屋光寒照几珠百斛兒童呼舞
健犢奔病夫擁爐龜殼縮打門寄書勤故人五
雲濕牖春生谷片辭自可愈頭風千金指迷况
湍幅年來塵埃不堪鏡白髮一摘動盈掬星出
星入難養疴安得閒邊半分幅病中畏酒如畏
仇詩囊亦遣高閣束聞君新工千兔禿君但寫
來為君讀

送臨川王丞秩滿造朝

我來學製君哦松數月握手臭味同君今南浦

我送客水萍風雲何忽別酒未釀白玉筆權
鼓催發斜陽紅青霄迫逐不少借指日便入明
光宮祖鞭先著氣射斗好吐平生經綸胸臨汝
詩卷如束筍殿閣正欠麈薰風自憐魚游沸釜
中羨君遇順如飛鴻願寄一語隨君東問訊西
湖南北峯

馬上口占

平林塗煙山擎日晚征漢客愁集浮生駒隙
忙裏過虛名塞馬眼前失古來戰場莫回首一
成一敗骨俱朽柳岸人家搖酒帘不妨小停春

風鞭

題下陽懷沈莽忱

夜雨曉方歇薄霧隨征車喬松二十里翠微三五家雙燕教羣雛一牛馱兩鴉故人不可見回首天之涯

宿康口漁家

陰雲議雪風颼黃沙翳暝征人愁漁家假宿休瘦骨敗蘆紉壁茅蓋頭行營鼓角聲動地釣翁不慣皆掩耳刺船火急入葭葦問訊鷗鷺莫驚起

姜子平鄭華父見訪留飲月下

敲門者誰子二豪姜與鄭揚袖入長揖掀髯略常敬于時月當堦籟聲斷四聽展席交股坐劇談飛舌競恃俠爭譽已拈卷索分韻呼兒注老瓦酒力快辛硬羶葷屏俗饌梨栗錯村釘杯行無不醜恐犯詩壇令

適意

右傾老瓦盆左持離騷經一杯讀一句既醉還復醒好月飛入坐伴飲到天明林下樂如許鐘鼎鴻毛輕

水閣秋夜

雲收一點無秋洗
四山淨野水吞長天涼
月分兩鏡倚湖閣
虛窈綠石竹修勁孤斟
領幽窸新醪快村硬
露冷欺病骨更闌膽
斗柄欲去未屬饜倚欄成短詠

十一月四日雪中小飲是月十日冬至

書雲猶七日陰極剛未長風吹六花間
飛舞隘穹壤一陽方欲來和氣已摩盪
著地窸不聲入林發餘響與客同擁爐
寒威不到幌洗杓開蟻尊下筋飫熊掌
道舊驚物變談空前塵想近詩

稍閣筆對此又技癢踏雪訪梅花更覺吟興爽
遊劉園分韻得峽字

園林十畝餘此邦人推甲西谷簣簞淨循沼芙蓉夾波暖遊魚樂機忘飛鴻狎劇談互揮麈曲欄憑闕鴨棊仙俱自負國手未許揮酒膽各稱雄觥船不留呷半酣索分韻吟嚴苦才乏枯腸按欲新險字終難壓閣筆視諸公詞源羨流峽

晚晴與何尹登水亭簡張丞

溪流兩岸秋日落千山暮一亭壓其間登覽洗萬慮胸襟富邱壑方領此幽趣擲餌來潛鱗圍

碁驚過鷺酒壺展逸興漁唱續遠浦安得哦松
來撫髯同覓句

雪中觀客夜博

積雪深一尺堆瓊迷山扉豪客夜排闥挑燈紅
爐圍成臬呼五白轉勝賞四緋舉觴無不醕寒
深酒力微姑置博與酒劇談玉屑霏坐久更寢
闌踈鐘到簾幃

山吟

梯磴捫絕壁題詩絕幽臨呵凍象管滑墮崖千
尺深羣猿皆驚笑看我攀蘿尋石罅忽按得犬

書足前吟誦詠猿側耳頷頭似知音吟罷下山
去猿亦歸他林

野谷詩藁卷第四

野谷詩藁卷第四

汴都趙汝鎡明翁

金山

自古稱浮玉更名為得金一山藏寺腹雙塔立
江心淮折中流斷風煙四岸秋侵夢回禪榻悄月
午聽龍吟

秋夕

秋風動梧井無頓許多涼夜靜灘喧枕窓開月
到床道心便冷淡世事莫思量只被澆花累朝
朝却用忙

劉子愿山居

搬向山邊住蕭然茅數椽平塘印星斗深谷剝
風烟老不離書卷貧誰乞酒錢莫言無管待頻
取好茶煎

泊舟

前頭無泊處且住荻花林水沸知難淺烟烽火
在瓶呼童治茶具
有客扣柴扃共說山林話休
嗟兩鬢星

送仲兄之京口

絕歸又東去且道幾時還
筭路亦差遠緣君不

耐閒江城登鐵甕烟寺認金山我昔經行地詩
牌掛壁間

空師欲遊嶽往訪山寺

聞師遊嶽去打急訪高岑躡屐若來晚挑苞不
可尋山寒梅意悄林茂鳥聲深行住無非道何
須枉費心

送季逢過湘中

蠶監三十載刻古戰文場燈火簡編夜江湖鬣
鬢霜鴈聲隨掛席秋色久遊湘歸日無他物惟
詩滿古囊

酬曹戶

奔走塵埃久還山每嘆遲歲華驚雁到心事獨
鷗知夜對樽前月晝尋花下棊閒中滋味好但
欠子論詩

泊盧家步

泊舟葭葦岸風喚夜涼生天遠星疑墜秋清月
倍明傾杯浮蟻匝把劍古蛟鳴甚矣吾衰矣功
名念已輕

同崔糾訪陳道士

尋幽過橋去松徑入琳宮竹擺風簷綠榴殘雨

院紅黏碑多古籀挿架獨參同道士掀髯笑詩
聯石鼎工

秋意

今年秋意好夜傍井梧生怪得雨聲急洗教山
骨清倚欄看葉舞尋砌聽蛩鳴舉目無非燕吟
詩易得精

下程

下程疑頗早店主勸予休今晚莫貪路明朝便
到州踈籬編馬眼新筍護猫頭六七歲童子一
人隨數牛

入山訪上官道人庵

三十年居此何嘗識酒葦柴扉人少到草徑鹿
同羣雨足添新瀑山深有利雲水瓢丹竈外聞
事不曾聞

訪王廣父

未是閒時節君言百念灰棲身庵竹石適意杖
莓苔人無由少春歸却解來呼兒烹苦笋席
地共銜杯

野望

一天秋色遠千里病眸寬野曠牛羊小樓高月

露寒掃愁嫌酒薄少事欲心安溪友門前過留
魚薦晚餐

到農家

難得官人到茅簷且駐車自携鋤掘笋更取網
求魚一媪來斟酒諸童競挽裾須臾到吾泣科
役苦追胥

招賢渡溪閣晚望

溪流清到底十頃浸秋光烟重山加色風強鴈
失行塵埃隻老鬢天地幾斜陽何處一聲笛征
夫暗斲腸

琳宇

琳宇棲岩谷，倚然一徑深。
風篁筍戛玉，霜橘顆垂金。
是院皆扃戶，無人但聽琴。
遠廊行教匪，聊以洗塵心。

維舟

望見人家了，猶須轉一坳。
寺從灘背出，船向柳邊捎。
問酒尋溪館，呼兒解臘包。
三杯亦徑醉，世事且權拋。

贈隱居

遠屋垂：柳當軒小，江買魚尋晚。
釣浮蟻倒。

春缸山近雲，侵坐月來梅。
印窓隱居誰氏子，不羨鹿門龐。

弋陽道中

千里歎行役，今朝方半途。
橋肥霜後穎，松落雨中鬚。
店嫗當墟問，官人要酒無。
忻逢掃愁帚，沾了又還沽。

倚樓

蒹葭秋色晚，百尺倚江樓。
日暗烟藏寺，風高浪拍舟。
歸雲投遠嶺，飢鴈叫滄洲。
心事非年少，塵埃白盡頭。

舟中

繫纜停征棹斜陽古渡頭風霜先遠客天地獨
扁舟水鳥衝開浪汀鴻占斷秋在家貧亦好何
用出林邱

夏日普信寺江閣

到此全無暑虛欄千里風看飛雲度水聽落石
鳴空日月忙鳥兔春秋遞燕鴻一生塵裏過烟
艇羨漁翁

過寶雲寺訪密師

寺纔三二里曳杖且徐行晴塔松梢見風鐘嶺

半鳴樵夫分道過僧子就房迎竹有千竿立塵
無一點生

送翼之過天台

天台山外窟人道是仙家白鶴掛寒溜赤城飛
暮霞獨携筇杖過莫畏石橋斜牢記經行處歸
來向我誇

晚泊

篙師言已晚豈可更貪程風起且須泊灘多未
易撐星河明夜色葭葦撼秋聲回首人千里通
宵夢不成

遣意

要靜：不得風吹竹打簷欄推呼匠葺碑脫遣
兒黏夜短睡常欠天病陰轉添扶衰歸密室更
下面前簾

信步

午窓方睡起信步過東畦穴徙蟻知雨巢穿燕
補泥路埶連草沒果重壓枝低村婦抱兒子籠
邊教喚雞

安仁道中

半月離鄉井家音杳不聞路危多半缺橋朽忽

中分秋盡風撥葉日沉岩宿雲荒村店雖陋店
主頗殷勤

送彥東還湘

湖南多爽氣羨子片帆還秋影清涵水烟痕淡
著山蘭風香楚珮竹淚冷湘斑見說誅茅地江
頭只數間

宿方家店

昏暮方投宿敢嫌茅屋低池清月易入林密鳥
爭棲買酒春筍甕求蔬夜摘畦路長莫貪睡囑
僕且聽雞

贈悟上人

怪來趨向別乃是拙庵孫秋色添禪寂松聲奪
俗喧路行須避蟻飯剩或呼猿車鉢隨緣住尋
常懶出門

秋居

入得秋來無何須宋玉悲推窓對脩竹開卷課
諸兒世事放輕著人生無足時年多自當老不
用染吟髭

暮行江上

江天詩眼潤沙岸暮扶藜風怒來帆卸林昏宿

鳥迷問魚前港有沽酒小童携夜客留同飲添
杯翦韭畦

贈慈上人

踏遍叢林後歸來隱石崖任梅斜到牖聽竹長
侵階掛壁塵堆笠穿山雲惹溪真機須我悟餘
事是持齋

送奇仲過雪川

少年湖海氣近又負詩名今忽擔簦去誰非倒
屣迎雨茶烹頽渚春酒醉烏程有句茅亭著蘋
風洲上生

登法雲寺

雲林擁深窈山寺倚崔嵬童子請先坐師僧恐
便回庭黃霜到橘堦綠雨滋苔掛樹猿相玩呼
之却不來

春郊

數點綠楊風春光是處同蜂喧按菜瘠烏閑聒
山聾聯句逢詩友尋僧問牧童家三辨農具準
擬試新工

宿溪館

投宿溪頭館途長主僕飢濕薪難便著惡米更

須篩風細帆來穩山高月上遲客懷正悽惻漁
笛蓼洲吹

弦歌堂對雨

絕交詩酒客撲面簿書塵泊沒朝連夜忽忙雨
過春民寬殘稅欠身受上官嗔了却三年債歸
耕秀水濱

留客

潤疎方在念飛蓋忽相遇酒缺鄰堪覓詩成子
自哦添羹挑野菜包鮓就池荷莫屢辭歸去餘
樽亦不多

送胡判官赴官永嘉

君赴蓮池戍離愁正值秋持觴送南浦鳴榔下
東甌才俊推烏幕風流訪謝樓欲窮奇絕處須
上鴈山頭

飲劉園

隨意携盤饌毋煩事禮文燕飛衝幕過鶯語隔
墻聞興自樽前發韵從花下分詩成似供課醉
墨競紛紜

遣愁

愁來無可奈散策小嬌東影轉松隨日香殘花

怯風煙霞詩興裏天地酒杯中本自江湖客生
涯付釣篷

次莊過荆渚以詩寄之

澤國遙千里雲帆隔兩川醉行沙市月吟破渚
宮秋魚嘆馮驩缺貂殘季子裘人傳君入蜀無
事早歸休

入盡日暑酌

天高殊未雨暑盛絕無風將酒渠心浸有泉林
下通擘蓮房拍塞雪藕孔玲瓏量淺難禁醉扶
歸兩小童

劉簿約遊廖園

名園新整頓樽酒約追隨
春晚花飛少墻高蝶
度遲注湯童煖酒拍案
客爭暴窳寞鞭韃索無
人盡日垂

秋夜懷歸

鄉里千山月塵埃兩鬢
星秋聲雖是真客耳不
堪聽多淚風前燭孤明
竹外螢吟恐更亡賴終
夜幾曾停

山莊

門掩斜陽岸溪橫獨木
橋山禽弄春舌堤柳舞

風條世事雪雙鬢生涯
水一瓢似聞鄰釀熟自
往不須招

避暑

炎赫無逃處如何得雨
來雲生應有望風捲又
還開携簟尋池閣傾醪
注晚杯堆盤粲紅顆味
不減稜梅

冬日友人見過

荆扉終日閉難得故人
來欲暖寒酒

梅艱危驚鬢雪勲業嘆
心灰子負江湖氣誰

憐當世才

秋日同王顯父趙子野何莊叟泛湖趙
紫芝繼至分韻得秋字

雨餘湖更爽載酒共清遊天淨倒涵水峯高爭
猷秋風烟入吟筆簫鼓自鄰舟隄上詩人過相
邀便肯留

寄圓老聞欲移住他院

妄動生於念禪床坐不牢舊窠元自好新刹有
何高去住身如寄奔馳足謾勞挑包聞已決應
笑我初

鄔文伯歸自邵陽

賓主西遊久賡詩日傳交情誰似此歸興忽
翩然楚岸猿吟樹湘江月載船我窮君更甚相
助愧無錢

臨川縣治古桂兩大株與葉潛仲鄔文

伯飲花下

雙桂相傳久百年殊未衰樹聯鋪葉密根老著
花遲葩墜黏詩筆香濃透酒卮月中但孤影安
得兩交枝

宿古寺

黃昏投寺宿古屋瞰荒江村酒沽春甕山房耿

夜缸灘高深撼枕月落影收窓僧老人皆玩樓
鐘曉未撞

舟中

離家俄十日于翁獨衰翁蓬響過雲雨帆閒逆
水風新沙增岸脚小港隱蘆叢客思難消遣黃
昏月一弓

雷潭寺

憶昔登臨日今經二十年崢嶸新棟宇黼黻舊
山川魚響潭翻浪鳥飛風送船穴空龍已去鱗
爪跡依然寺傍有龍窟鱗爪之跡尚存

送宗上人歸闈

頂笠遍參請平生志甚勤耳方離嶽瀑眼已接
闈雲宿嶺星辰近渡溪烟霧分勸師早休歇禪
不在多聞

野谷詩藁卷第五

送曹深叟之越

汴都趙汝鎡明翁

幾時重握手未可便輕離
路指千岩去程寬一月期
捫蘿窺禹穴剝蘚讀曹碑
必自蘭亭過方當春暮時

訪子益

揀得溪山住三間草屋低
坐貧憂酒債廢事悔
綦迷壁壞何時補詩成
無處題留余二戒飲白
飯薦黃雞

拍欄

偶把欄干拍沙鷗水上驚晚紅殘照在秋碧遠
山橫盡被浮名役皆從妄念生不如歸去好杖
屨老柴扉

東村

晴久全無雨溪乾半是沙風橫分雁陣日轉趣
蜂衙地僻草埋徑籬摧菊卧花橋西一林竹瀟
灑兩三家

醴陵道中

入得湖南界皆嫌堦子長烟岩松葉暗風栢稻

花香橋斲人迂路車鳴水卷塘宿程雖不遠木
杪已斜陽

子開移居郊外

數間低矮屋不可以擡頭嫌市塵埃濁尋山泉
石幽門松霜幹古窓竹露竿修辦此一廛了從
今何所求

訪曇師

道人雲外住小徑入庵幽幹老梅逾瘦林疎竹
自修揀茶相伴煮補線且停抽此事如何說下
山歸去休

黷淡

黷淡四山暮淒涼千里秋功名常嘆老衰病豈
禁愁孤鴈影誰伴亂蛩吟不休一身天外客雲
盡是鄉州

訪皇甫道士

道人留淡話竹院寂無聲沽童酒來緩題窓詩
已成海珍紉紫菜仙品漬黃精移席臨簷月焦
桐膝上橫

送聰上人歸四明

辦得四方遊教：討入頭歸雲起齋鉢高浪送

行舟笠戴天童雨屨穿雪竇秋平常心是道莫
更問人休

舟友

夜泊楓林岸江平萬籟收松崖猿嘯月蘆渚鴈
眠秋軒冕儻未爾林泉歸去休客愁正無奈孤
笛起漁舟

日融

日融風力軟曳杖獨逍遙蜂去花心靜鶯遷柳
影搖一年春易老兩鬢雪難消客至時留飲無
綠特地招

題友之後山新築茅舍

瀟灑人間世柴門夾兩槐詩僧恰方去俗客不
曾來翠合苔初長紅嬌杏半開南邊許多地臘
月竹須栽

送沈推赴官婺女

子抱風雲志吾同筆硯遊眾皆尊大手老尚容
諸侯清碧雙溪水句涵三洞秋儉僚非所處有

路在瀛洲

范園避暑

六月暑如炊追涼此地宜棹舟荷柄聽坐石竹

陰移籌貫壺雙耳鼎烹茶一旗小童供筆硯醉

客競賡詩

新秋旅思

兩袖塵埃滿千山道路勤曉清秋已到葉落客
先聞鏡裏驚衰態眉間添皺紋人生閒第一回
首故山雲

鄭氏莊

莊居深僻處敲戶小童應此地清如許前時到
未曾柳腰金騷裊苔髮翠鬢鬢山上茅亭子扶
衰為一登

一夏夜與東叔昆仲小酌

入夏不為淺亭虛未甚炎雲收風捲幕月蒲夜
開匝怕熱移燈遠開懷索酒添半酣詩興動寫
韻客分拈

山訪次章廣上人繼至

都不見塵埃園扉傍水開晴茵鋪碧草風彈落
黃梅訪子因尋竹呼童急辦杯詩僧相繼至羅
酒把茶來

劉幹東園

築圃非容易經營二十年烟松迷五鬣風柳起

三眠疊石連山麓栽桃擬洞天最為瀟灑處正
在竹林邊

懷武陵王廣文

念子經年別書嘗寄驛筒每思談笑隔或假夢
魂通師範新芹泮騷情轉蕙風擘舟訪秦洞桃
雨一川紅

常山道中

寒謝春纔展忽二月中筭來晴幾日多是雨
兼風煙草迷村碧山桃夾竹紅浮名能役我策
馬幾回東

畫卷回夏夜

今夕暑差甚芒屨階下行除燈簷月上却扇竹
風生病骨生怕久靜吟詩易成夜涼思睡去樓
鼓已三更

寄盧司戶

寂寞盧司戶誅茅楚水東幾年與君別一字不
予通釣水空烹鯉行汀屢扣鴻夢魂還可託握
手片時同

宿山觀

昏暮無處宿樵人指路頭僕夫皆已困道士幸

相留明月夜翻書陰崖暑變秋聞雞便行路定
要到潭州

化成岩二首

命友化成岩同尋頃刻間半途瞻佛塔數里入
禪關松動影移石江清波漾山衛公讀書處有
鷺宿其間有李衛公讀書堂
公集中載白鷺賦

其二

一線沿崖路衰殘步屨遲攀蘿行霧上檻倚俯
空危石佛像須久山僧言不知看來衆亭子最
是妙高才

乍晴

日色今朝穩園林二月中池塘展晴綠桃杏開
春紅犯險升高徑扶衰藉小童黃鸝怕人見飛
過野橋東

江閣夜

小閣臨江迥疎簾帶霧鈎雲鴻遙影滅灘月碎
光流詩思偏宜夜衰髻不耐秋漁燈兩三點隱
隱荻花洲

晚興

是處牛羊下喧譁走牧童霽烟拖淡碧夕照隕

殘紅老鬢日添雪衰軀晚怕風愁來無著處分
付酒杯中

雪中尋僧

尋僧閒踏雪握手上鐘樓初下寒飄屑纔濃風
輟毳水波糊紙閣春乳泛茶甌片：看來好龐
公有話頭

莊居

三四間茅居回環水石清雞催殘漏盡月截半
窓明好句枕邊得浮名身外輕起來供日課先
遠藥畦行

遊樂如泊舟

泊舟似差早篙工愛酒坊羊羣歸遠隴柳影戀
斜陽澤國人千里暮霞天一方茶多不思睡漁
唱聽滄浪

公百齋蠶舍

每到蚕時候村多閉門往來斷親黨啼叫禁
兒孫不惜兼旬力將圖終歲溫殷勤馬鳴祝燈
火謹朝昏

送同年李教秩滿歸閩

雁塔同題久相看兩鬢皤功名皆分定安樂直

錢多絳帳歸來後青山住得時流推老筆冊

府欠編摩

同子嚴初夏飲山閣

綠陰千百頃約我共登臨山翠含烟重榴紅著
雨深行藏皆有命計較謾勞心病怕杯中物憐
余淺：斟

聞舟中笛

橫笛秋蓬底銜山夕照殘孤音起水面餘韻到
雲端吹怨蘆聲慘含悽鴈影寒有人江閣上歛
翠凭欄干

寄友人

口信傳商賈年前未得歸
湘沅淹異縣日月老
征衣騷興遍芳渚
舊樓間釣磯思君不可見
獨立斜暉

清明小飲

草：清明飲惠風
天氣和身輕
梁燕舞舌巧
柳鶯歌但道三春好
其如兩鬢何
升沉付杯酒
由命不由他

過曹家渡

數篙撐過穿雨後
水添肥山摘青
迷樹野花香

襲衣哀鴻悽遠客
鬪雀墮斜暉
童稚喧林壑
牛

羊箇：歸

午炊涖陽一館甚雅

誰料三家市能令
兩眼明花暄
叢蝶戀簷午
亂雞鳴忙裏
青春去愁邊
白髮生
搖鞭問歸路
更乞一旬晴

送同官葉推院造朝二首

新制重分司
誰云筦推卑
鵬搏終可料
鷄笑彼何知
細滿豈無待
橫飛亦未遲
催班天上去
黃色已浮眉

其二

滿歲塵埃共交情骨肉親我猶京口客君已日
邊人波及無忘晉渠成亦利秦西湖約携手兩
岸柳搖春鎮江分權舊差武司嘉定中更以文
臣邑最之人葉乃首選後數月余以

員備

同楊濟翁唐季路陳純叟飲光風亭光
風舊名招屈純叟席上鼓琴

江邊舊亭子招屈改光風揭扁名雖異懷人意
則同一篇漁父問千古大夫忠酒盡琴猶鼓幽
蘭曲未終

翁靈舒客臨川因經從訪之不過聞過
村居

聞道深村裏結茅三四間買田因種秫移樹為
看山詩好人皆誦身安心自閒有時思雁蕩依
舊棹舟還

西湖訪梅

久無梅信息訪問到湖濱耐盡一冬冷開殘千
樹春臨流轉風韻與雪鬪精神踈影暗香後能
吟有幾人

漁舟

秋嶽翠千疊晴溪玉一灣
漁舟三兩箇來往釣
其間

出郊

二月垂楊柳行春詩酒徒
蒼頭前引道拄杖掛
葫蘆

不眠

刺齒按新句濡毫寫短牋
讀來踈脫少懽喜不
成眠

登樓

地卑梅雨濕氣壓篆烟低
孰是披襟處高樓百

尺梯

贈定上人

談禪皆是病參請不須忙
且看諸尊宿相傳甚
藥方

苦吟

幾度燈花落苦吟難便成
寒窓明月上樓上打
三更

尋勝

老子携筇杖小童挑酒壺
徧尋泉石勝引路倩
樵夫

傷春

飛蝶捎風絮鳴禽戀午簷不知春去未但覺綠
陰添

半夜

坐久香銷篆更長燭屢花一輪觀浴兔兩部聽
鳴蛙

踏青

四野春工遍柔風動賞心踏青喧柳陌舉白醉
花陰

山礬

七里香風遠山礬滿路開野生人所賤移動却
難栽

白髮

朱顏留不住白髮自應生摘了依然有徒勞打
鑷聲

雨過

一霎荷塘雨明珠翠蓋擎柄危難得穩稍側便
須傾

夜歸

為愛清秋月徘徊步水濱夜歸驚犬吠錯認是

生人香如自辨回文六書亦無漢文六九幾幾

山寺

樹暗常疑夜山多易得雲撞鐘最深處嶺外不
曾聞

題莊舍壁

水深荷較晚地僻草偏多佇立風前聽樵夫隔
隴歌

無題

人與春俱老花因雨易殘天涯雲萬里腸斷倚
欄干

後圃

澆花惟要早芟草不知名新竹生來巧南牆補
數莖

夏日山中

瀑近書皆潤林深簟更涼山中無一事夏日覺
尤長

吟鬢

壯歲鬢如漆年來暮景侵便令如雪白撚斷不
妨吟

秋夜

秋到懷情惡美人天一方夜深窓轉月夢斷有
吹霜

野谷詩藁卷第五

野谷詩藁卷第六

多景樓

汴都趙汝鎰明翁

北固危登最上層身浮霄漢手捫星江連淮海
東南勝山出金焦左右青天水精神清雁骨風
烟圖畫入秋屏蕭古意憑欄久目盡斜陽淡
遠汀

岳陽樓

洞庭雄壓岳陽樓萬里風烟萬里秋左右江湖
同浩蕩東西日月遽沉浮青蛇鳴袖神仙過古

瑟彈湘帝子遊朝暮飛鷗千百點送迎城下去
來舟

再登岳陽樓

開禧丁卯赴江陵

岳陽城下繫扁舟與客同登百尺樓尋遍詩牌
追舊句恍驚歲律嘆重遊波涵君扁兩山翠天
落巴荆一鏡秋北望邊烽猶未熄敢忘後樂與
先憂

江樓會飲對月

層樓畫棟凌霄漢檻外江流百頃清無一片雲
但秋色放千里月到天明喚舟撒網鮮鱗美擊

鼓喧汀宿鷺鷺坐上有入權末厭酒闌連酌兩

三觥

訪別胡倅留飲水閣

故人知我已膏車折簡殷勤祝訪渠惜別忽
留語笑臨時草：治餽疏密遮池面荷千蓋斜
挿雲頭月一梳此夕憑欄又何日雁來莫惜數
行書

春嬉

十分晴日起春嬉鄰有灰驢借我騎舌轉雖然
聞翠柳葉濃卻不見鷓鴣小詩題壁同僧和了

角携琴更鶴隨傍水誰家亭子好萬竿竹影浸
琉璃

豐城道中

雨後泥深馬費鞭看來遵陸豈如船人行灘過
無多水鴈帶雲飛不盡天來擔侵晨離故縣算
程明日至臨川長安鐘鼓何時聽東望猶爭路
一千

送端旻遊淮

堂：玉立鬚垂腹談：逢人見肺肝手弄七絃
琴韻古腰橫三尺劍光寒但將計策尋知己肯

學閭闔為覓官烏幕聞君定羅致別樽不復話
儒酸

早征

店雞一唱接疎鐘起整行裝尚夢中沙路踏殘
征馬月柳堤啼斷曉鶯風水肥險渡添舟子岸
沒途窮問牧童十里鄉人逢陌上片時握手各
西東

明皇

初年不是不聰明勤政開元致太平一曲羽衣
妃子進三朝錦祿祿兒生眼乾蜀道山川淚膽

碎漁陽鼙鼓聲禍福興亡皆自取信知女色鮮
傾城

却行同張宰

雨晴郊外共尋芳細水交流注野塘花欲戀枝
風不肯柳殘舞影日還藏轉添老態難於健看
得閒時少似忙擬訪一僧共茶話禪房扃鎖出
遊方

謝人送端硯水沉

屏迹山林絕往還忽傳軍將扣雲關十年憶別
湖湘外五朵鷺飛几案間硯寄下岩鸚鵡眼沉

分上岸鷓鴣班磨墨烟麝香橫霧撥索思腸愧
我慳

湖東夜飲會別友人

每聞嗟嘆無知己定要携琴過浙東莫訝醪樽
俱草：只因束擔去忽：竹篩夜影千竿月荷
送湖香萬葉風早晚我尋京口戍子歸或遇半
途中

醪飲

出城二里野人居最愛園亭傍屋廬墨湧清池
聚科斗雪明碧嶂過春鉏興來醪友尋詩酒忙

裏携盤但醯蔬新初小軒尤更爽百來竿竹間
樓閣

午炊徐坊嶺

途長力困時：歌日影將中僕馬飢糲米荒年
僧增售汲泉遠井得炊遲竹稠亂笋穿開路藤
茂多花蓋畫籬飯了店翁相送出丁寧前向小
橋危

即事

十里東風搖羽葆高低遠近萬枝松側身靠石
牛指痒俛首穿林鹿護茸樵子登山雲裏過詩

僧採藥洵邊逢近傳有虎常來往隔隴猶存舊
脚蹤

縱步

久雨厭人妨野步幾時便得此番晴到橋喚僕
來相助過寺逢僧約共行籬落一團飛蛺蝶汀
洲數點立駁鯖農家竹裡深：任風度茅簷紡
織聲

題合江亭

石鼓山頭一小亭軋坤萬里眼雙明雖云刺史
能尋勝不過昌黎豈得名衡嶽雲開秋洗碧蒸

江湘合水爭清書岩莫辨當時字空積塵泥野
草生昌黎有題合江亭寄刺史鄒君詩

訪友野外

雨意方濃改作晴杖藜野外訪柴荆爭尋桑葉
占蠶熟退立田塍避犢行風過沙平收鳥迹煙
濃寺沒但鐘聲小童走報余將至一笑私門倒
屣行

晚征

回首家山已十程搖鞭自嘆苦勞生雲先帶暝
岩邊宿月獨伴溪人上行草屋停驂難可奈店

翁叱大不容聲明朝路遠起須早第一雞啼是
五更

茶罷

茶罷晴簷唱午雞偶騎驢去過東溪酒餽分倩
樵夫挈筆硯專令童子携放日水亭攔獨倚題
詩僧舍薜蘚新泥興來歸向來時路到處蟬鳴
日已西

送魯卿之九江

歸自瀟湘方半月挑燈酌酒又分襟掛帆秋晚
江湖客握手歲寒松柏心湓浦水流清一派香

爐峯濕翠千尋西風遠想登臨處日
日吟 携琴日

泊舟周家步

梢子商量乘早泊向前十里不逢村卸帆斂柁
依山脚繫纜添樁傍樹根月魄知風昏有暈秋
光入水淨無痕五更露下欺孤枕忽聽新鴻更
斷魂

過黃園

黃家亭館人稱好杖屨春風領客行開放園門
千嶂入愛他山閣一溪橫花迷粉翅雙飛蝶柳

露金衣百轉鶯酒後著棋聊適興未須屑
輸羸

午炊溪店

草店臨流傍蓼汀午炊于此片時停健農帖岸
搬卵石幼婦汲泉携斗瓶薦飯滿盂山芋美開
窻匝室野花馨隔籬庵舍極瀟灑萬竹中間著
小亭

訪友人溪居

數間屋子壓溪光百十喬松列翠行鶴為聽琴
朱頂側鴨皆睡日綠頭藏後園遣僕鋤冬筍隔

岸尋僧度野航天色黃昏歸已晚苦留夜話對
胡床

野步

雨收日薄春容嫩步：東風桃李蹊香遞深林
疑麝過聲傳幽谷認鶯啼路推迂步行荒草橋
斷蹇裳涉淺溪歸過田翁醉邀我旋教買酒旋
烹雞

同官率遊鄭園

亭園花木閣臨池移席行杯處：宜藻裏漾春
魚放子竹間尋路鶴將兒登山少俊誇先到扶

杖衰殘愧獨遲所恨隔閨歸去急不容結果著
殘碁

避暑溪上

不堪蝸舍暑如炊何處清幽可杖藜未約客須
先覓酒要尋涼必去尋溪撐船訪洞林間港坐
石吟風柳下隄晚網得魚似湖白鳶刀繪玉搏
香壘

宿橫山

頗厭東征道路長回頭十日離鄉却掃愁酌酒
雖云獨照影挑燈却暫隻打併餘花風動地遷

延殘夜月留窓店雞已唱催人起更聽疎鐘隔
水撞

張園

幾年人說張園好筇杖芒鞋欠我遊泉脈
三里遠山根匝四時流鶴嫌竹密妨來往蝶
厭花多費應酬臺館高低皆得所松間亭子最
清幽

崇真觀東軒

東軒面水枕山阿左右雲烟濕翠蘿風度鶴聲
聞遠壑日移松影轉前坡愁來獨靠清樽遣老

去休憎白髮多道士罷琴揮醉筆詩成自喚小
童哦

溪上

一番雨過驟晴時溪上春光色二奇日暖花繁
蝴蝶困水清魚過鷺鷥隨村翁開卷添黏紙瓦
鉢研朱自教兒機婦倚机方嘆息輸官尚欠二
斤絲

懷徐教

憶昔相逢氣味清興來無日不追遊靜尋鷗鷺
同溪社醉挈輒坤入船舟湖海忽二三歲別塵

埃汨：幾時休一邱彼此皆能辦何用人間萬戶侯

同趙尉飲江亭

草：三間兩眼明數峯如畫一江橫風鳥破浪帆檣急野鶴過林鳥雀驚蟻取浮筍尤有味魚方出網正宜羹流鶯憐我無歌者黃舌頻翻柳上聲

遊曹園

先登東畔高亭子洗却胸襟萬壑塵落片玉殘梅興盡舊相金吐柳芽新倚林困鶴聊休足巡

食飢鳥不避人尚欲徘徊已燈火歸騎屢趣入城闌

黃幹見約小飲就宿

病後何人慰寂寥長鬚持簡忽相招溪山見說為樓與杖屨寧辭去郭遙柳絮一天晴舞雪松聲十里夜聞潮談詩直到踈鐘動酒困頻將茗椀澆

懷亨父

兩年隻影瀟湘去料想塵埃白髮侵久雨千山秋得意西風一鴈客關心或於夢裏陪談笑每

向人前問信音憶昔賡詩岩桂下花間今日嘆
孤斟

題村舍壁

柔風十里日曛曛雨後坡塘野水通兩岸柳烟
籠曉綠數枝桃洞滴春紅明知鐘鼎衆皆羨到
了山林味不同田父殷勤邀我坐一盃白飯一
盃松

旅次春眺

獨倚危欄春意遠本無情緒強登臨一眉晚掃
晴山黛萬縷風搖岸柳金久負故園泉石約恍

驚老鬢雪霜侵兩年隻脚數千里奔走塵埃損
道心

宿妙果寺贈洪上人

上人留我禪房宿煮笋烹茶語夜闌鐵馬鳴風
山牖穿木魚敲雪曉廊寒真筌但要此心悟公
案休將故紙鑽若道吾言沒滋味請師且去坐
蒲團

訪黃簿留飲

愛靜移家住水南門排古木枕寒潭鶴翎漸長
呼童翦麈尾頻揮對客談旋切銀絲繪鮮鯽新

嘗金顆擘香甜惜余戒飲難陪伴舉白掀髯子
獨酣

行春

綠柳裊：草萋：緩步行春獨杖藜
搗藥蜂兒透花骨增巢燕子砌芹泥
過溪野水衝橋板覓路田塍穿菜畦
松竹林間僧揖我謁茶携手上招提

泊舟黃家渡

溪流暴漲舟如箭夜向深灣穩處停
猛虎嘯風威動壑飛鴻過月影移汀
青山入夢歸催棹白

髮欺人嘆暮齡幸得還家玩光景
歡醪終日醉休醒

隴首

隴首多逢採桑女荆釵蓬髮短青裙
齋鐘斷寺雞鳴午吟杖穿山犬吠雲
避石牛從斜路轉作陂水自半溪分
農家說縣催科急留我茅簷看引文

社日

四郊社鼓響楓林朝雨方晴晚復陰
稚子求聰多啖藕佳人怕拙例停針
飯爭簇巧母嫌雜酒

正逢時莫厭斟為同年：鷗與鴈去來相避果
何心

遊目

遊目林垌信馬蹄十來家住小橋西浮沉野水
看晴鴈唱和茅簷聽午雞菜要遮欄增舊塹田
分蔭注作新隄年豐米賤人：樂農夫相逢醉
似泥

莊家

半掩柴門傍淺池茅茨夾柳開黃鸝舊倉拆去
安新園新篠添來補舊籬煎茗吹爐呼幼婦持

箕掃地命童兒莊家可將殷勤意教片親舂糯
米餐

登樓野望

雲藏日影微吞吐道是晴來又似陰秋色涵空
醒醉眠雁聲到耳引歸心暴流決岸橋斷古
木堆煙遠寺深自料才無用處任緣不復覓
知音

題會稽用林帥侍韻

東越乾坤到眼邊亂雲連壑草迷川五更城落
千岩月萬頃湖開一鏡天鼓角聲殘秦望曉樓

臺影濕卧龍烟舊時太史登臨處每想風流為
慨然

孫王渡

霽後泥途行尚艱今年大率是晴慳春當濃處
寒猶在寒肯消時春漸還木杪紅沉半輪日波
心碧浸兩邊山渡頭不住人來往共羨白鷗人
水間

胡教醪杯觀畫圍碁

山簪野蕪且隨宜約定同來最怕遲朋友每思
相聚樂塵埃難得有閒時春回畫筆丹青軸電

落文楸黑白碁醉客坐間誇俊逸掀髯連寫數
篇詩

汪丞招飲問梅

把酒向梅開也未巡簷接見兩三枝祗緣今歲
寒差甚故比常年花較遲折向份華筵畔看輸
他冷淡水邊時含香嚼蕊清無奈散入肝脾盡
是詩

檄宿虎山：家

高低田水曲通池小：人家短：籬杜宇教咬
春去早陰：遠蓋月明遲年華只解催教老公

事從來了是癡若不隨緣強煩惱謾添兩鬢幾
莖絲

題菜公泉

舊名甘泉在武陵道中馬鞍山下張南軒題
曰菜公泉：邊寺有寇萊公留石題刻云庚
午年七月平仲南行至甘泉院僧示以詩版
征途不暇吟詠代記歲月

馬鞍山下倚吟鞭慨想前賢古道邊健筆南軒
三
大字高風相國一泓泉征途著句雖無暇詩
版留名自可傳寺主相邀觀石刻呼童泉水取

茶煎

題戴洪甫愛竹軒

竹癖難覓俗眼看琴書靜對翠光寒秋聲鳴屋
風初度夜影翻床月半殘天乞幽人供嗜好日
呼稚子報平安窓前幸有閒田地分我雲梢四
五竿

田家嘆

破屋三間結草扉柴根煨火闔家圍此生能得
幾年活薄命連遭兩歲飢腸又鳴雷惟啖粥體
雖起粟尚單衣晚來稚子多歡喜報道小姑挑

菜歸

途中

途中奔走十來程風卷雲開陡頓晴雙燕引雛
花下教一鳩喚婦樹梢鳴烟江遠認帆檣影山
舍微聞机杼聲最愛水邊數株柳翠條濃處兩
三鶯

和林守玉茗花韵

大畧是大茶臨川郡
中金柅園有一株微香

園名金柅多奇卉古幹靈根獨異常恥與春花
爭俗艷故將雪質對韶光天葩巧削崑山片露
葉疑含建水香當為君侯好封植角弓三嘆誓

無忘

雪後徐廣文招同官小集分韵得明字

瞰江亭館約登臨雪後憑欄景倍清波面玉虹
千丈霽寒邊冰鏡十分明放懷共恨添杯步分
韵俄驚擊鉢成對月不知誰勝敗醉中但聽子
丁丁

杜鵑

終聽今春第一啼如何便道不如歸聲穿窓隙
驚聞夢血溜花梢濺客衣叫斷寸腸誰接續懶
隨羣翼恋芳菲田園荒盡腰猶折我亦因君覺

昨非

史鎮江句祠得請仍進職

兩載南徐屈從臣笑談樽俎運精神民無土木

絲毫費手挈江山表裡新千里舳舻渠水利一

團錦繡閭風春夾河柳接甘棠陰下有攀轅取

轍人百築閘疏渠修河葺園

其二

帝念承流欲報功力祈高闔請琳宮固知魏鼎

身將近却愛尊鱸味不同寶閣風雲雖學士滄

洲烟雨且漁翁到家宣室思前席又使猿驚蕙

帳空史自號

柳州鹿鳴宴

連科已占十名前行聽鴻臚第一傳我俟合符

留勸駕君能擣藻預興賢湘山點化名千佛柳

嶺飛昇傲九仙此去瓊林天上晏今朝先賦鹿

鳴篇柳人事湘山佛及有馬嶺

次韻袁州鄭守鹿鳴宴

詔增貢籍自端平大比賢書拔眾英學備六經

俱里選賦推五色以文鴻雖由黃卷能勤苦皆

藉朱幡與作成來歲錦標先奪得天街聽唱狀

元聲

舊解九人經六賦五六經新制增

宿江閣

閣前眼界如圖畫
山色侵窓竹打簷
雲掃雁聲移別浦
月將梅影進疎簾
壯懷自笑年々減
華髮無情日々添
夜半驟風天驟雪
貴家鼓舞客心嫌


久客寫懷

一身千里嘆飄零
鬢影蕭疎已半星
雲雁叫愁欄獨倚
秋風吹面酒初醒
塵埃南北何曾歇
日月東西不暫停
昏暮誰家數聲笛
含悽噴怨要

人聽

漢書地理志卷六

二二二



漢書地理志卷六
漢書地理志卷六
漢書地理志卷六
漢書地理志卷六
漢書地理志卷六

